

Nunatta Karsiata 2015-imut naatsorsuutaasa akuersissutigineqarnerat pil-lugu Inatsisartut aalajangiiffigisassaattut siunnersuut
(Aningaasaqarnermut Aatsitassaqaqarnermullu Naalakkersuisoq)

Akissuteqaat

(Aningaasaqarnermut Aatsitassaqaqarnermullu Naalakkersuisoq)

2. Siullermeerneqarnera

Naalakkersuisut sinnerlugit Kukkunersiuinermut Ataatsimiititaliaq Nunatta Karsianut 2015-imut naatsorsuutit suliarineqarnerannut atatillugu sukumiisumik sulisimaneranut qutsavigaara.

Naalakkersuisut nuannaarutigalugu paasivaat ataatsimiititaliami isumaqatigiillutik naatsorsuutit pissusissamisoortutut isumaqarfigigaat akuersissutigineqarnissaallu inassutigalugu.

Kukkunersiuinermik Ataatsimiititaliap pingaartumik erseqqissarpai illikartitat ukiut siuliinit uteqqiinerusut sulilu ammasut. Tassunga atatillugu pissutsit tikkuartorneqartut qaqugorpiaq suliarineqarlutik aaqqinneqassanersut erseqqissumik pilersaarusiukkamillu saqqummiisoqarnissaa amigaatigineqarpoq. Kukkunersiuinermik Ataatsimiititaliap ilisimavaa pissutsit taakkartorneqartut ukiumit ukiumut ingerlaannaq aaqqinneqarsinnaangitsut.

Naalakkersuisut Kukkunersiuinermik Ataatsimiititaliap inassutai suliaaraat suliasaqarfimmilu pisariaqartinneqartumik paasiniaasoqarnissaa sulissutiginiarlugu.

Sanaartornermut iluarsaassinerimullu aningaasaateqarfimmi naatsorsuineri suli kukkusoqartarnera kiisalu nassuiaatip taama kinguaattoortigisumik saqqummiunneqarnera Kukkunersiuinermik Ataatsimiititaliap sakkortuumik isornartorsiorpai. Aningaasaateqarfimmi nalunaarsuinerit nammineq suliarineqartut kiisalu aningaasaqarnermi nalunaarsuinerit imminnut naapertuutinnginneri pissutsinik arlalinnik 2000-imili atuussimasunik peqquteqarput.

Ajornartorsiutit taakku aaqqinniarlugit siunnersuummik Inatsisartut ataatsimiineranni matumani saqqummiussiniarlutik Naalakkersuisut ilungersorput.

Atorfiit inuttaqanngitsut paasineqarnissaat kiisalu atorfinni sorlarni suliassaqarfinnilu sorlarni inuttaqannginnersut paasineqarnissaat pillugu Naalakkersuisut pimoorussillutik suliaaraat. Siunnersortinut atuisimanermut nalunaarsuinerimut tungatillugu Naalakkersuisut pisortanut ataatsimut kontoqarnissaanut pilersaarumik suliaqarput, tassani pissutsit piviusut ersarinnerusumik ilisimasaqarfigineqarnissaannut patajaallisaqaataassalluni. Tamanna ERP-mik suliniuteqarnermi ilaavoq, tassani nutaamik naatsorsuineri atortumik nutaamik pisaartoqarnissaanut ilaalluni.

Kiisalu Naalackersuisut nuannaarutigaat Kukkuersiuiernerut Ataatsimiititaliap eqqaammagu avataanit kukkuersiuisut ilisimatitsissutigisimammassuk Namminersorlutik Oqartussat naatsorsuuserisarnerat ingerlaavartumik pitsanngoriarsimammatt.

Taamatut oqaaseqarlunga siunnersuut Inatsisartunut aappassaaneerseqarnissaanut suliassanngortippara.